

PETIKAN TITAH

"BETA ingin melihat setiap rakyat dan penduduk berdaya maju dan berdikari. Kerajaan adalah berperanan untuk menyediakan iklim dan prasarana, manakala rakyat pula mestilah memanfaatkannya dengan mengadakan usaha membangun

**MANISNYA IMAN**

"DARI Abdullah Radiallahuanhu dari Nabi Sallallahu Alaihi Wasallam Baginda bersabda : Mendengar dan taat kepada ketua adalah menjadi kewajipan ke atas orang Islam sama ada yang disukainya dan yang tidak disukainya selagi ia tidak

Rabu

6 Julai 2005
29 Jamadilawal 1426
Tahun 50 Bilangan 27

[Berita Utama](#)[Berita Ringkas](#)[Haluan](#)[Dari Sidang Pengarang](#)[Melirik Masa Silam](#)[Analisis](#)[Aneka Rencana](#)[Fokus](#)[Suara Dari Mimbar](#)[Menuju Keredaan Allah](#)[Sepuluh Negara Satu](#)[Masyarakat](#)[Sudut Perkhidmatan](#)[Awam](#)[Minda Pembaca](#)[Remaja](#)[Pendidikan](#)[Arena Sukan](#)[Iklan-iklan Tawaran](#)[Iklan-iklan Tawaran Mengikuti Kursus](#)[Arkib](#)**TAHUKAH AWDA?**

SEJAK penubuhannya dalam bulan Januari 1933, Persekutuan Pengakap Negara Brunei Darussalam telah banyak menyertai kegiatan-kegiatan antarabangsa dan diterima sebagai Ahli Bersekutu dalam Biro Pengakap Rantau Asia Pasifik pada 20 Ogos 1976 serta menjadi Ahli Penuh dalam Pertubuhan Pengakap Sedunia, Biro Pengakap Sedunia (WOSM/WSB) pada 1 Julai 1981. Sehingga kini Persekutuan Pengakap Negara Brunei Darussalam mempunyai lebih 2,500 orang ahli yang bergiat aktif di seluruh negara melalui Persatuan Pengakap Daerah, iaitu Persatuan Pengakap Daerah Brunei dan Muara, Persatuan Pengakap Daerah Belait, Persatuan Pengakap Daerah Tutong dan Persatuan Pengakap Daerah Temburong. - Sumber : Persekutuan Pengakap Negara Brunei Darussalam.

Pelita Brunei Online

HALUAN

TITAH Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam di Majlis Sambutan Hari Ulang Tahun Angkatan Bersenjata Diraja Brunei Ke-44 pada 31 Mei 2005 bersamaan 22 Rabiulawal 1426.

Angkatan Bersenjata Diraja Brunei: PERLU TERBUKA KEPADA METODE BARU

*Assalamualaikum Warahmatullahi Wabarakatuh
Bismillahir Rahmanir Rahim*

ALHAMDULILLAH! Rabbil 'Aalameen, Wabihee Nasta'eenu 'Alaa Umuuriddunya Waddeen, Wassalaatu Wassalaamu 'Ala Asyrafil Mursaleen, Sayyidina Muhammaddin, Wa'alaa Aalihiee Wasahbihee Ajma'een, Waba'du.

Alhamdulillah, beta bersyukur kerana dapat bersama-sama para perajurit menyambut Hari Ulang Tahun Angkatan Bersenjata Diraja Brunei (ABDB) Ke-44 Tahun.

Sambutan ini lebih bererti lagi dengan negara sentiasa menikmati keamanan dan kesejahteraan. Ia juga turut menyuburkan rasa simpati kita kepada pihak-pihak yang sentiasa dirundung malang. Ada yang dibelenggu oleh pertelingkahan sesama sendiri, ada yang didatangi dan ada pula yang dilanda bencana-bencana alam sehingga meranapkan bandar dan desa serta meragut sekian banyak nyawa.

Ini semua mengingatkan kita, betapa mahalnya harga kesejahteraan yang sedang kita miliki ini. Apakah tidak patut bagi kita untuk membina azam supaya mempertahankannya?

Mengambil iktibar dari kejadian-kejadian di sekeliling kita, adalah tidak wajar untuk kita berpeluk tubuh, atau hanya mengharapkan akan sentiasa terlepas daripada sebarang kejadian yang tidak diingini. Kita tidaklah boleh begitu, kerana apa yang ada dan berlaku adalah merupakan 'kerja Allah', bukan kerja kita yang dapat dirancang atau diramal.

Kerana itulah, kita mengelak untuk hanya jadi penonton, tetapi sebaliknya turut tampil ke hadapan bersama-sama dengan warga dunia memberikan sumbangan apa juga yang terdaya, selaku misi kemanusiaan dan perdamaian.

Dalam hubungan ini, ABDB telah menampilkan penglibatannya yang membanggakan. Dari sinilah, beta dapat melihat betapa ABDB itu sangat mustahak untuk meningkatkan lagi kecekapan dan keupayaannya. Dan selaku salah sebuah benteng utama pertahanan, ia perlu siap siaga serta mampu menghadapi cabaran-cabaran dengan lebih berkesan.

Apa yang beta nampak, di semua peringkat kepimpinan hendaklah memiliki kesedaran bagi mememuhi harapan-harapan besar ABDB. Dan untuk itu, satu transformasi tersebut bukan sahaja di segi struktur, teknik dan keupayaan, malahan juga di segi kepimpinan dan minda.

Jika ini kita abaikan, beta khawatir, ABDB akan menjadi mangsa kepada perubahan-perubahan pesat yang berlaku di sekeliling kita. Oleh itu,

semua peringkat anggota janganlah hendaknya menutup diri dari sebarang perubahan, tetapi perlu terbuka kepada kaedah-kaedah atau metode-metode baru di dalam pertahanan.

Sehubungan ini, beta sangatlah gembira yang Kementerian Pertahanan pada ketika ini sedang giat melaksanakan dasar dan perancangan strategiknya yang akan membawa kepada masa depan pertahanan yang lebih teratur lagi sistematik.

Beta penuh percaya, penubuhan lebih empat dekad ABDB memberikannya cukup pengalaman untuk menjadi sebuah angkatan bersenjata yang dinamik lagi berwibawa.

Di samping ia unggul dan kuat, angkatan bersenjata kita juga perlu memiliki sifat 'mesra rakyat' iaitu suatu ciri moral dan disiplin yang tinggi. Dan kemudian, sebagai pelengkapinya, kita hendaklah lebih mengeratkan lagi hubungan kita dengan Allah supaya terus berada di bawah inayah dan pemeliharaan-Nya.

Untuk akhirnya, beta mengucapkan Selamat Menyambut Hari Ulang Tahun ABDB Ke-44 kepada seluruh anggota ABDB dan juga kepada para perajurit yang telah bersara serta keluarga masing-masing. Beta mendoakan semoga sumbangan suci dari semua pihak itu akan terus menegakkan keselamatan dan kesejahteraan negara kita yang tercinta ini.

Sekian Wabillahit Taufik Walhidayah Wassalamualaikum Warahmatullahi Wabarakatuh.